

Putardi debata ano Negotino

„O sikljovipe e romengoro ano Tikvešiakoro regiono- trubutnipa thaj dikhipe angle”

Ano jekhethano butikeripe e lokalnikane ofisosa ko proekto savo so učarela e komune Negotino, Kavadarci, Rosoman thaj Demir Kapia, i Fondacia Instituto putardo amalipe- Makedonia kerda jekh putardi debata ki tema „O sikljovipe e Romengoro ano Tikvešiakoro regiono- trubutnipe thaj dikhipe angle” resarinasa te ovel dikhli i situacia e sikljovipasa e Romengoro ano Tikvešiakoro regiono. I putardi debata sine ikredi ano Negotino ko 26 augusto 2008 b. savate lele than 12 prezententoja tare lokalnikane institucie, 14 prezententoja tare biradžikane organizacie thaj 1 prezentento tare mediumia. I moderacia e Debatako kerda o Erol Ademov, kova so sine participante ani programa [Treningo baše treneroja](#) implementirime ane fremia e proektoskiri thaj ko jekh referento baše minoritetengere pučipa ani komuna Štip.

Xulime vakeripe ki debata sine e rajo Vojislav Marijanović, konsiliaro baši romani čhib ano Ulavdo ofiso baši romani čhib e preperutnengiri ko Ministeripe bašo sikljovipe ki RM, savo so vakerda baši Dekada baši inkluzia e Romengiri thaj vakerda e šajdipa e zakoneskere bašo obligacirime maškarutno sikljovipe. Ko lokalnikano nivo, ano peskoro keripe lafi i Zorica V'čkova tari Komuna Kavadarci vakerda baše reforme ano sikljovipe thaj o vazdipe e putarde minsakoro kori i romani populacia, džikote o Ivica Zlatković tari Komuna Negotino kerda prezentacia e statistikane evidentengoro baše čhave save si involvirime ane terbiatime-sikljovipaskere procesoste ani Komuna Negotino, i Strategia bašo barjovipe e komunakoro thaj e duj centroja bašo anglo sikljovipaskoro baripe ane Crveni Bregovi thaj Krivolak. I Gordana Jordanovska, direktori ki FŠ „Dimkata Angelov Gaberot” ano g. Vataša-Kavadarci prezentrinda proekto savo si implementirinda ani škola savakere fremengoro si anglodikhli o materialnikano thaj sikljovipaskoro dendo dumo baše čhave Roma. O Safet Temurovski taro HDZR Mesec taro g. Krivolak-Negotino thaj Raim Sulejmanov taro Zdruzenie na Tikveski Romi taro Kavadarci ano xulime lafia sar majbare problemoja vakerda i ekonomikani sitiacia kori romani populacia, o bibutjarnipe, mukhipe e školakoro e čhavengoro thaj o tikno deipe arka tari rig e instituciengiri. O Raim Sulejmanov vakerda o trubutnipe taro konsiliaro baše romane pučipa ani Komuna Kavadarci.

Palo agordipe e xulime vakerdipangoro, avili diskusia savate ule phandle e aver participanteja ki debata, sar thaj sakova peskere aspektostar, dende peskere bahania bašo nakhavipe e problemengoro. Sar phandle lafia tari debata, thaj sakova peskere aspektostar, dende peskere bahania bašo nakhavipe e problemengoro. Sar phandle lafia tari debata thaj sakova peskere aspektostar, dende bahania bašo nakhavdipe e problemengoro. Sar phandle lafia akala debatakere sine dende: o trubutnipe bašo poaktivnikano keripe buti ko tereno, informiripe e dživdutnengoro baše obligacie save so ikljovena tari zakoneskiri regulative thaj e palpalunipa taro birespektiripe e terminantengoro, vazdipe e minsakoro bašo sikljovipe e džuvljengoro taro romano nacionalnipe, kinipe e bilovengere lilengoro thaj školakere materialengoro baše čhave tare socialnikane kišle familie thaj keripe partnerikane relacie e školakere e dajenca/dadencia.

Sar rezultato akale putarde debatako sine dendo rodipe bašo angažiripe konsliaro baše romane pučipa ani Komuna Kavadarci savi so ka del dumo ko arakhipe solucia e pharipange savenca khuvljola i romani khedin, phandindo athe thaj e problemoja so si ki sfera e sikljovipaskere. O rodipe sine dendo tari rig e Zdruzenie na Tikveski Romi taro Kavadarci.